



Concello do Grove

CONVENIO DE COLABORACIÓN ENTRE O CONCELLO DE O GROVE E A ASOCIACIÓN DE EMPRESARIOS GROVENSES DE BENS E SERVIZOS PARA A XESTIÓN DOS “BONOS MERCANOGROVE”.

REUNIDOS

Dunha parte, D. José Antonio Cacabelos Rico, con DNI 35451901T en calidade de alcalde do Concello do Grove. E doutra parte, D. José Besada Garrido, con DNI 35411270X, en calidade de presidente da asociación de Empresarios Grovenses de Bens e Servizos (EMGROBES)

Recoñecendo as partes representación e competencia suficiente para asinar o presente documento

MANIFESTAN

1. Que a Asociación de Empresarios Grovenses de Bens e Servizos (EMGROBES) ten como obxectivo a promoción do comercio nos seus establecementos asociados, e colaborar co tecido comercial do Grove en xeral.

2. Que o Concello de O Grove, no marco da campaña **BONOS MERCANOGROVE** e dentro do plan integral de protección do tecido social e económico da vila, ven de poñer en marcha a iniciativa **BONOS MERCANOGROVE**, na procura de incentivar o consumo nos establecementos comerciais de O Grove.

Por todo iso, as partes,

ACORDAN

PRIMEIRO. Subscribir un convenio de colaboración que ten por obxecto o establecemento dun marco de cooperación entre o Concello de O Grove e a Asociación de Empresarios Grovenses de Bens e Servizos (EMGROBES) para a xestión da iniciativa de BONOS MERCANOGROVE, que se desenvolverá entre o 24 de setembro e o 24 de decembro de 2024, ambos inclusive.

SEGUNDO. A asociación xestionará a iniciativa de acordo coas BASES que se engaden ao presente convenio como **ANEXO I**, que conteñen os dereitos e compromisos dos establecementos que se adhiran a ela, así como as condicións de uso dos Bonos polas persoas adquirentes.

TERCEIRO. Poranse á venda 2.000 **paquetes de bonos** por valor de **30 Euros c/u** (10€+10€+5€+5€) dos que **o usuario pagará 20 €** e os outros **10 € correrán a cargo do Concello**.

Deste xeito, asegúrase un investimento de 60.000 Euros que recaerán directamente nos negocios, establecementos comerciais, dos que o Concello de O Grove aportará 20.000€ mediante a concesión á Asociación dunha subvención con cargo á partida orzamentaria 4312-47901 “**Comercio sub.**”



Concello do Grove

Actividades

CUARTO. Serán obrigas da Asociación de Comerciantes:

- Colaborar na xestión do proxecto.
- Difundir a campaña entre os negocios, establecementos comerciais e locais de hostalería do Concello.
- Xestionar e realizar o aboamento aos comercios adheridos á iniciativa.
- Xustificar o cumprimento da finalidade para a que se concedeu a subvención e da aplicación dos fondos percibidos dentro dos tres meses seguintes á finalización da execución do proxecto. Presentarase a tal efecto conta xustificativa con aportación de xustificantes de gasto segundo se indica:
 - Folla con relación de ingresos e gastos
 - Tickets utilizados nos establecementos adheridos á iniciativa
- Elaborar un informe final do proxecto, memoria avaliativa e un balance económico das accións, dentro do prazo de tres meses seguintes á finalización da execución do proxecto.
- Reintegrar ao Concello do Grove, mediante transferencia bancaria á conta que a tal efecto se determine, os remanentes da compra e consumo dos bonos que resten na conta bancaria e/ou aplicación dixital de adquisición dos bonos, dentro do mes seguinte ao remate da campaña.

QUINTO. Serán responsabilidade do Concello de O Grove as funcións que se enumeran a continuación:

- Asignar unha dotación financeira e adiantala, para o desenvolvemento dilixente do proxecto e para que asociación poida facer fronte con solvencia os pagos dos comercios adscritos.
- Xestionar e supervisar as tarefas de adquisición dos bonos.
- Difundir a iniciativa entre a cidadanía, negocios e establecementos do Concello.
- Coordinación coa Asociación en todo o que for preciso.

SEXTO. O incumprimento de calquera das obrigas por parte da Asociación, suporá o reintegro total ou parcial da subvención concedida. Para o non previsto no presente documento, así como para a súa interpretación, modificación ou resolución, será de aplicación o disposto na lexislación vixente, en particular, a Ley 38/2003 de 17 de novembro, Xeral de Subvencións.

En proba de conformidade, asinan as partes o presente convenio

Polo Concello de O Grove
O Alcalde-Presidente J. Antonio Cabelos Rico

Pola Asociación de Comerciantes
O Presidente José Besada Garrido

Ante min, O Secretario
David Veiga Sierra